

DURNYAŊ KIKƎ BE KEYILI KPRA TA LAŊƎ DIMEDI KIKƎ BE KUMU SO BE ASHYEŊ NƎ MOBE KASHINTEŊ AKPA

ASHEŊFƎSO

Kepin nƎ kemaŋkura, dimedi be eyilikpa nƎ mobe kumu so be asheŋ e la mobe kashinteŋ nƎ eyur-wushi be egbel-tulwase.

Kedɔ nƎ kekplaŋ dimedi be kashinteŋ ere so e naa bra barkɔnƎ, a duu mfƎra lubi dimedi be kumu to, n naŋ shi nƎ durnyaŋ to dimedi bu kebaa malga yƎlyƎla, ebɔrƎshuŋ, kayeŋi-yeŋi nƎ kanyƎ kii asheŋ kpakpa so bebolpo kutɔ.

Ku daga fanƎ awura-sheŋ be mbra ka bee kuŋ dimedi be kashinteŋ n sa maa shi nƎ eko maa kini mo barkasa nko a nyaŋ mo.

A daga keteŋi efuli-ana be kakurwe kelepo so.

YunatƎd Neshin be baasa sa yƎrda kawol to ta a laŋƎ baasa be kashinteŋ-kpra nƎ bumode eyilikpa nƎ bu tiŋ teŋi bumobe kachena nƎ kebawɔtɔ lƎla be akpa so.

Efuli-ana nƎ a wɔ kɔnɔkoŋwole ere to bɔ ntaŋ fanƎ bar pƎ abar be nsher to n nya bunyaŋ nƎ kemaŋkur kashinteŋ ere to.

Ekama be kepin kashinteŋ nƎ kumu so be asheŋ ere e la demu kptra nƎ ku beeŋ chƎ to n teŋi ntaŋ ere so. Naniere, kumo so.

Durnyaŋ kikƎ be nshƎr gboŋ nna yili dimedi kikƎ be kumu so be asheŋ nƎ kashinteŋ ere.

Amuso, Kamalga ere to

BEE ŊINI FANƎ "GENERAL ASSEMBLY" BEE

KaŋƎ ekama fanƎ kayili nƎ kuwɔ kawol ere to la amo nƎ a beeŋ wɔrɔ anfaani nsa ekama mo ne ewɔ efuli nna so. Ekama nta n-ya mata durinya kikƎ be mmalga yiliso so. Adaga efuli kikƎ eshuli n sa kamalga mo nƎ kuwɔ kawal ere to nta kumo nki kapatƎ nsa anye. Nsa nƎ kamalga ere eluri efuli kikƎ nƎnƎ: epeŋi petƎkpa, epeŋi-tɔrkpa, banaso, jisaso kusɔ nƎ adaga anye kikƎ ewurɔ nna ela.

Demu 1

Bu kurwe dimedi kikƎ mobe kumu so, nƎ mobe, eyilikpa, kesheŋ nƎ kashinteŋ maŋ kɔr eko peyƎ to. Nyinpela sa dimedi kikƎ lakal nƎ mfƎra fanƎ bu chena abarso kelepo so.

Demu 2

Ekama kɔ ekpa ta a laŋƎ kashinteŋ ere kikƎ nƎ kumu so be asheŋ nƎ a wɔ keyili kptra ere to nƎ nkpiƎto kikƎ maŋ wɔtɔ ashi yiri, kawol be ndu li, kenyƎn/keche, ngbar, ebɔrƎ shuŋ, kumu be kekeni nko lakal ko, efuli so nko kebawɔtɔ be ekpa so, kapitƎ, kakurwe nko eyililkpa ko be kabaso.

N naŋ tii so, nkpiƎto kikƎ e sa maŋ wɔtɔ ta a yɔ kumu be kekeni to, demu-ji to, nko efuli nƎ fo shi be eyilikpa durnyaŋ to nƎ loŋ be efuli nna

suwe kumo kumu a keni kumo kumu so, nko efuli ko e naa keni kumu so ekpa ko so.

Demu 3

Ekama kɔ kashenteeŋ nɛ mobe efute nɛ mobe kumu be kekuŋ.

Demu 4

A maŋ daga nɛ eko e baa wɔ kenyaŋa nko kanyaŋ to. Kenya, kenya-tɔ nɛ kenya-fa be ekpa kama so daga ku ju.

Demu 5

A maŋ daga bu ka nyaŋ eko nko n wɔtɔ mo ebasa to, nko n gberge mo kusoe.

Demu 6

Ekama kɔ kashinteŋ, kaplɛ-kama nɛ e wɔ nɛ bu pin fanɛ esa e la mo mbra be ekpa so.

Demu 7

Ekama na la kukoŋwule nna mbra be ekpa so, a daga nɛ mbra na e kuŋ ekama nɛ nkpiɛto maŋ wɔtɔ.

Demu 8

Ekama kɔ kashinteŋ nɛ bu yolge mo ashi efuli na be demu-ji akpa nɛ e ya dɔ kashinteŋ kpɛ nɛ mbra yili mo nna so.

Demu 9

Ekama maŋ daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpiɛ to na nɛ a mige mo to nɛnɛ nɛ jama kike e nu ta a laŋɛ mobe kashinteŋ, asheŋ daga so nɛ kusoe gberge nɛ baŋ sa mo.

Demu 11

Ekama nɛ bu fa fo, fo kɔ kashinteŋ nɛ fo keni kefa nna, amɔ bu ji na mbri fo mbra be ekpa so jimaɔ to nɛ fo maŋ tiŋ chɛ fo kɔnɔ.

A maŋ daga nɛ bu fa ekama nkpal kesheŋ nɛ ku maŋ daga kusoe gberge so ashi efuli na nko efuli-ana kike be mbra so, saŋɛ nɛ e wɔrɔ la be kesheŋ na. A maŋ naŋ daga nɛ bu gberge esa kusoe nɛ ku baa chɔ kumo nɛ bu junkpar n sa mo saŋɛ nɛ e wɔrɔ loŋ be kesheŋ nna.

Demu 12

A maŋ daga nɛ fo luri fo barkasa be asheŋ to jigajigasɔ, mo dawule, mobe keyale nko mobe kebɔaya akpa, nko nɛ fo tige fo barkasa be jilma

nɛ mɔbɛ ɛyilikpa sɔ. Ekama kɔ kashintɛŋ nɛ mbra na e kuŋ mo ashi baasa bɛ kebaa luri mɔbɛ asheŋ to nɛ ketige nko nduwɛ mɔbɛ jilma sɔ.

Demu 13

Ekama kɔ kashintɛŋ nɛ e baa nite mɔbɛ kumu sɔ yɛlyɛla n naŋ tiŋ chena mɔbɛ efuli sɔ.

Ekama kɔ kashintɛŋ nɛ e lɛr efuli kikɛ sɔ, nɛ mɔbɛ efuli sɔ gba n naŋ tiŋ m bɛta m ba mɔbɛ efuli sɔ.

Demu 14

Ekama kɔ kashintɛŋ nɛ e yɔ efuli ko sɔ n ya mɔlwe mɔbɛ kumu.

Nɛ bu fa esa kumɔbɛ ekpa sɔ nkpɔl ashuŋ lubi nɛ e maa liɛ efuli na bɛ kumu bɛ kekeni bɛ ekpasɔ nko asheŋ nɛ a bɛɛ dɔɔ kɔnɔkoŋwule bɛ mbra na sɔ, lɛ bɛ kashintɛŋ maŋ wɔtɔ.

Demu 15

Ekama kɔ kashintɛŋ nɛ e shi efuli ko sɔ.

A maŋ daga kekini eko mɔbɛ efuli sɔ bɛ keshi jiga-jiga nko n kini mɔbɛ kecheŋga efuli nɛ e shi na sɔ.

Demu 16

Benyɛn nɛ beche ya bulɔ, bu kɔ kashintɛŋ nɛ bu kil n taŋɛ kanaŋ nɛ sheŋ maa kuŋ bumo fanɛ yiri, efuli nɛ bu shi na sɔ, nko kananɛ baa bunyaŋ ebɔrɛ. Bu kɔ kashintɛŋ koŋwule ashi kakil to nɛ kakil gbeŋi sɔ to.

Pɔɛ nɛ baasa e kil abar, a daga nɛ bumo-wura-ana bɛ kenyi kikɛ e baa wɔ kakil na to.

Kanaŋ la ebɔrɛ sɔ bɛ kesheŋ na n naa la baasa to bɛ katuŋ junkpar po nɛ a daga nɛ jamaa nɛ efuli kikɛ e baa kuŋ kumo.

Demu 17

Ekama kɔ kashintɛŋ nɛ e baa kɔ mɔbɛ kumu sɔ bɛ kapitɛ nko mo nɛ mo bra-ana.

A maŋ daga kepuni nko m mɔn eko mɔbɛ kapitɛ.

Demu 18

Ekama kɔ mɔbɛ kumu sɔ bɛ mfɛra bɛ kashintɛŋ, lakal nɛ kananɛ e bɛɛ bunyaŋ ebɔrɛ. La bɛ kashintɛŋ tii mɔbɛ kecheŋga kananɛ e bɛɛ bunyaŋ ebɔrɛ nko mɔbɛ yɛrda, nɛ mɔbɛ kumu sɔ bɛ keshuŋ ebɔrɛ-shuŋ mo nawule nko mo nɛ mo bra-ana.

Demu 19

Ekama kɔ mɔbɛ mfɛra nɛ kamalga bɛ kashintɛŋ. La bɛ kashintɛŋ tii kumu sɔ bɛ mfɛra bɛ kefɛ nɛ sheŋ maa kuŋ mo, e naa kɔ mɔbɛ

kashinterɛ nɛ e fin, n nya nko n sa kebɔɔya nɛ lakal ekpa kike so nɛ mbarga kike maɲ wɔtɔ.

Demu 20

Ekama kɔ mobe kashinterɛ nɛ e ba wɔ kagbenewushi be nshɛr to.

Bu maa nyaɲ eko a wɔtɔ nshɛr ko to.

Demu 21

Ekama kɔ kashinterɛ nɛ e baa wɔ efuli so be awura-sheɲ to mo gbagba nko nɛ bu lara ba sa yɛlyɛla so nɛ bu yili bumo be ntilemu.

Ekama kɔ kashinterɛ nɛ eji mobe efuli so be kusɔnɛ ku la ekama peyɛ be tunɔ kananɛ eko gba beerɛ ji kumobe tunɔ nna.

Baasa be aparsherɛ a daga a ka la awura-sheɲ be egbel tulwase la be aparsherɛ daga nɛ a shi saɲɛ saɲɛ be kɔnkɔɲ be keɛ kashinterɛ be ekpa so n naa la ekama be kesheɲ nɛ baa lɛ kɔnkɔɲ nna kegblanto nko kumo nɛ ku bɛ kɔnkɔɲ be keɛ be mbra so.

Demu 22

Fo kama nɛ fo wɔ baasa to, fo kɔ kashinterɛ nɛ baasa e kuɲ fo, a daga nɛ fobe efuli so nɛ efuli-ana kike ka pɛ abar be kashɛr to, efuli-ana be keblase to nɛ amobe kapitɛ be albarka to nɛ fo nya eyilikpa nɛ naɲkur nɛ ku daga fo dimedi nɛ dankare be ekpa so.

Demu 23

Ekama kɔ kashinterɛ nɛ e shuɲ kushuɲ, nɛ e fin mobe kumuso be kepar ke Kushuɲ n naɲ shuɲ kushuɲ mbra be ekpa so n naɲ kuɲ mobe kumu ashi ketase fuloɲ to.

Ekama kɔ kashinterɛ nɛ bu ka mo kakɔka koɲwule nɛ kushuɲ koɲwule nɛ nkpiɛto kike maɲ wɔtɔ.

Ekama kɔ kashinterɛ nɛ e ji mobe kushuɲ be tunɔ, mo nawule nko mo nɛ mobe keyale nɛ e naa wɔ kebawɔtɔ nɛ ku daga dimedi, n naɲ fin kechɛto ko nɛ ku daga ashi baasa kutɔ.

Ekama kɔ kashinterɛ nɛ e baa wɔ beshumpo be kɔnkɔkoɲwule to nɛ bu baa kuɲ mobe aparsherɛ.

Demu 24

Ekama kɔ kashinterɛ nɛ e wushi ashi mobe kushuɲ akpa nɛ mobe ketase fuloɲ to, kushuɲ na be jemanɛ e sa maɲ pɔɔ eshumpo na so nɛ e naɲ nu ebel ashi saɲɛ saɲɛ be ewushi nɛ ku kɔ kakɔka.

Demu 25

Ekama kɔ kashinterɛ nɛ e ba wɔ kebawɔtɔ lɛla to, mo nɛ mobe keyale, ta alaɲɛ eyur be alemfia, ajibi-ji so, asɔ-buuso, kowu chena so to nɛ kusɔ kama nɛ ku la jamaa peyɛ, e naa kɔ kashinterɛ nɛ e kuɲ mobe kumu saɲɛ nɛ e maɲ naa wɔ kushuɲ to, nɛ e ka wɔ kulɔ to, nɛ kekulwu

to, nE kenimu to nko kebawɔtɔ ko nE ku maŋ duli mo.

Kenio to nE kebia to, kike daga kekeni so nEnE n naŋ daga keche to. Mbia nE bu kurwe kakil to nko kejipo to daga kakuŋ koŋwule.

Demu 26

Ekama kɔ kashinteŋ nE e nya kebala nE kabii. Kebala nE kebii daga nE bekekarso na e nya kumo yElyEly. Kebala nE kebii kekarso beeŋ ba la boshinE. A daga ekama ka nya enɔ to nE bronɩ be ashuŋ be kebala nE kebii; benimu malE be kebala nE kebii malE daga nE ku bE kenyi so.

Kebala nE kebii beeŋ liE dimedi be eyur kudu-anyɔ kike, n naŋ wɔtɔ eleŋ to, jilma ta a laŋE dimedi be kashinteŋ nE mobe kumu so be asheŋ kpɔ ere. Ku beeŋ teŋi kenu-n-sa-abar so, kanyiti nE kenakpa efuli-anan to, yiri nko ebɔrE be beshumpo be ntunso-ana to, n naŋ teŋi.

Durnyaŋ be efuliana be kɔnɔkoŋwule be kebawɔtɔ kike nE kaŋbene wushi e baa wɔtɔ.

Benawura-ana kɔ kashinteŋ nE ekpa nE bu lara kebala nE kebii be ekpa nE ku daga bumobe mbia.

Demu 27

Ekama kɔ kashinteŋ mobe kumu so nE e tiŋ wɔrɔ mobe baasa be adankaresheŋ n naŋ tiŋ ji adankare be asɔ lɔŋE so nE kabre be kache be kinishi buwi be kenyi be tunɔ.

Ekama kɔ kashinteŋ nE ekpa nE e kuŋ mobe kumu so nE kebeleŋ be kushuŋ.

Demu 28

A daga nE ekama e nya dimedi nE efuli-ana kike be kebawɔtɔ, nE kashinteŋ nE kumu so be asheŋ nE a wɔ keyili kpɔ ere to e kurwe ebi lEla.

Demu 29

Ekama kɔ mobe kushuŋ baasa to, bumo to nE e bee kii esa lEla.

N E esa bee bo mobe kashinteŋ nE kumu so be asheŋ so a daga nE e baa de mbra so, saŋE na so e maaŋ tɔr mo barkasa ko be geshi to, loŋ e beeŋ wɔrɔ kusɔnE ku daga nE asheŋ e bE abar so nEnE nE yE-nE-n-yE be kebawɔtɔ e nya edesekpa baasa to.

Kashinteŋ nE kumu so be asheŋ ere maŋ daga ku wɔrɔ amo m foe ekpa kananE durnyaŋ be efuli-ana be kɔnɔkoŋwule yili kumo nna.

Demu 30

ShEŋ maŋ wɔ kawol ere to a ŋini fanE efuli ko pkelerŋ, baasa nko esa ko dawule peyE nna, amoso eko maŋ kɔ ekpa nE e wɔrɔ kesheŋ ko nE ku beeŋ jija kashinteŋ nE kumu so be asheŋ nE a wɔ kawol ere to.